




夏蓮居居士著

蓮公大士淨語

釋淨空敬題





夏蓮居居士德相

心

不負人

一面無慙色

薄齋大師可以當之於書以志之

此二語

氣吞佛祖眼蓋乾坤

梅光羲

佛子內養五德外修六和五德

者溫厚善良恭慎節儉忍讓六

和者見和同解戒和同修身和同

住口和無諍意和同悅利和同均

勤學三福三學六度十願續佛慧

命弘法利生願共勉之



上善堂

佛言欲生彼國者當修三福一

者孝養父母奉事師長慈心不
殺修十善業二者受持三歸具

足衆戒不犯威儀三者發菩提心

深信因果讀誦大乘勸進行者

如此三事名為三世諸佛淨業正因


印光

佛所行處國邑丘聚靡不蒙化天下和順日
月清以風雨以時災厲不起國豐民安兵戈
無用崇德興仁務修禮讓國無盜賊無有
怨枉強不凌弱各得其所

一九九一年仲春恭錄大乘無量壽經

淨空





夏蓮居居士著

蓮公大士津語

釋淨空敬題



淨語序

己亥歲，在重慶，侍先舅父南昌梅公講席，每談及當代佛教學者，必首推夏蓮居先生。念祖素諗舅父不輕許可，因乘間請道其詳。梅公曰：此未易言，可少語汝。吾與蓮公師兄，同受戒於安慶地藏庵慧明老法師。蓮公所會集之漢、吳、魏、唐、宋、五種原譯無量壽經，慧老認爲古今第一善本，曾共同持經在佛前攝影，留爲印證紀念。

四明觀宗寺諦閑老法師，于蓮公佛學亦爲重視，燕京拈花寺省元禪師，爲臨濟正宗嫡傳，與蓮公尤爲至契。省老

最後遺偈，有單提一念人難信，直至離念始不疑。欲知離念真境界，唯尚一念乃發機。即親筆書與蓮公者，蓮公答以四詩，其中有拋向虛空誰印可，拈花笑倒老禪師之句。此詩到後，省老當即示寂。遠近競傳，嘆爲希有。曾載淨語集中。慧老諦老省老三大德，對於蓮公相重若此，則其學行見地概可知矣。

又數年抗戰告捷，調職返都，晤岳父龍友蕭老先生，始知于蓮公爲辛亥袍侶。草函爲介，因聞蓮公門風甚峻，欲謁而止者凡數月。及得叩見，倍荷獎誨，乃益感先舅梅公相知相信之深，而數十年來南梅北夏並稱者，非偶然也。念祖幼承

母訓，及舅氏講論，知向佛乘，幸受諾那貢噶兩上師傳承之密法，然于儒佛顯密禪淨各宗，稍窺要旨者，實由我師蓮公多方策發啓誨，有以育成之。此念祖所永永服膺銘勒，莫敢少渝者也。淨語者爲我師淨課之餘，隨機偶成，上卷係令嗣東庵運生兩兄錄存者，已於廿五年前印行海内外，其下卷則由長白黃一如居士輯錄而成，既共合爲一編，問序於念祖。自愧弗文未足，仰贊高深，謹就夙所聞于舅氏梅公，及顯密禪教諸大德，推重事實，略述如上。古來淨土之詩，當以永明、中峰、楚石、諸大師之作爲絕唱。蓮池、蕩益、省庵、徹悟、諸師繼之。自此而下，漸成通套，幾乎千篇一律。

吾師蓮公所作，皆其自道甘苦，直書所見，無一語相襲，無一篇雷同。雖名爲修淨之作，實則與禪教顯密均能融會貫通，深入顯出，能令讀者當下心領神會。近代作者未見其匹，此皆有目共睹。非念祖一人阿好之私言，可以質諸十方而無疑也。

吾師生平，無時不在學中，故其著作宏富，純從親身體驗而來，立言精當，語無泛施。在文藝方面，除因避亂散失者外，尚存有渠園外篇十數種，關於佛學最重要者，則有會集之「無量壽經」，及秦唐兩譯「阿彌陀經」、「淨修捷要」，「會譯引證記」，「寶王三昧」，「長壽懺法」，及「觀

音寶典」三種合參。至其會集大經之緣起，均詳載於先舅

父梅公所作之序文中。我師自海外歸來，嚴戒收錄弟子，念祖

幸由梅蕭兩公因緣，忝列門牆，備聞緒論，嘗語念祖曰：「真佛徒

必能勤儉愛國，真佛徒必能嚴守戒律，真佛徒必能全心全

意爲人民服務。凡與以上數則相反者，皆係邪見謬種，波旬

眷屬，非本師迦文教下人也。於此可見吾師於世法佛法理

解行證爲何如矣。師之志行已見於黃一如居士節錄，王一

葉所撰渠園詩序殘稿中，不再贅述。

尚有須待補充者吾師每云，佛法中惟淨土宗可以三根普被，因其於一切時一切處，皆能不離佛法而行世法，不

廢世法而證佛法。此與康藏大呼圖克圖即身成就之諾那祖師所云，密宗紅教，乃頓中之頓，亦如中國淨土宗，所謂一句彌陀攝萬法之意相同。白教大德貢嘎呼圖克圖，一見蓮師即曾親告念祖曰，堪任無上密宗之金剛阿闍黎，僅見此一人耳。又云，禪宗達摩祖師口訣，精要了當，直指人心，即大密宗之口訣，可見禪密淨土相即不二，皆圓滿究竟總持陀羅尼微妙章句。念祖以爲讀淨語者，倘用此等眼光觀之，方不負吾師之深心，與諸大德開示之要路耳。

弟子江陵黃念祖謹序

淨語目次

上卷

渠園幻叟
後學
黃正明
馬士良
謹校

| | | |
|----------|-----|----|
| 題指月錄 | 二首 | 一 |
| 再題指月錄答艮齋 | | 三 |
| 幻余吟 | 十一首 | 五 |
| 自課 | 六首 | 八 |
| 答人問話且自勘也 | 十八首 | 九 |
| 兒憶母 | 三首 | 十三 |
| 勸戒 | 三首 | 十四 |

| | |
|-----------------------------|----|
| 不覺 | 十五 |
| 常談 | 十五 |
| 良師 | 十五 |
| 書感 | 十五 |
| 賣漿者 | 十六 |
| 寄雷生 | 十六 |
| 客笑 | 十七 |
| 戒嗔 | 十七 |
| 蓮味 | 十八 |
| 大病中口占二偈辭世 <small>二首</small> | 十八 |

問東答西九首 十九

某君喜談禪，見輒滔滔。予唯默對，怪而相詰，賦此

報之。二首 二一

題天青蕉白荷盤研 二二

梅月古研 二二

無悶。二首 二二

今昔。二首 二三

題淨土詩鈔 二四

禿毫 二四

聽佛軒課餘宴坐。二首 二四

今人粗窺唯識，便撥淨宗是一非餘，門諍堅固，目睹現狀，慨然而已。二五

經行 二六

家人晚課六首 二六

幻余室幻語，運兒節錄第五卷，舉似省元禪師。頗

蒙印可，並題二偈，賦此報謝。五首 二八

奈爾何二首 二九

答任城靳艮齋居士三十一首 三〇

卜居示兒四首 三七

贈某居士十六首 三九

飛哩^唵月蓮觀

四三

阿字觀

四二

念佛聲

四一

學法

四一

神珠

四一

會校無量壽經粗竣敬題二偈

二首

四五

下卷

香贊

四七

釋迦佛贊

四七

| | |
|----------------------------|----|
| 長壽佛贊 | 四八 |
| 觀世音菩薩贊 | 四九 |
| 大勢至菩薩贊 | 四九 |
| 地藏王菩薩贊 | 四九 |
| 長壽懺五時回向頌 <small>五首</small> | 四九 |
| 佛光三昧頌 | 五〇 |
| 淨宗徑 <small>二首</small> | 五〇 |
| 專勤堅久偈 | 五二 |
| 光明百字箴 | 五六 |
| 冬夜讀道德陰符，參同悟真，漫說一偈。 | 五七 |
| | 五八 |

| | |
|-------------------------------------|----|
| 佛歡喜日課餘偶說 | 五八 |
| 迦陵首 | 五九 |
| 在極樂庵念佛道場作 <small>四首 甲申冬</small> | 六八 |
| 聽佛軒記 | 六九 |
| 直念去 | 七〇 |
| 晝夜念佛道場中率成三偈供養大眾 <small>三首</small> | 七一 |
| 感懷 | 七三 |
| 深妙禪偈 | 七四 |
| 知苦 | 七六 |
| 題龔伯衡居士遺像 <small>並序</small> | 七六 |

| | | |
|---------------------------|-------|----|
| 老實念 | | 八三 |
| 答禪客 | | 八三 |
| 一念融 | | 八四 |
| 念佛偈 | | 八四 |
| 幻余室偈存 | | 八五 |
| 挽現明法師 <small>十一首</small> | | 八五 |
| 挽宗月法師 <small>四首</small> | | 八五 |
| 挽印光法師 | | 八六 |
| 挽慈舟法師 | | 八七 |
| 挽萬慧法師 <small>二十一首</small> | | 八九 |
| | 九〇 | 八九 |

附錄

- 王一葉撰渠園先生詩集序之殘稿 九三
蓮公大士法語 九七

蓮公大士淨語 上卷

題指月錄

二首

其一

初祖來東土 教外傳佛意
一葦可渡江 九年但面壁
既已絕言說 胡爲復招忌
後來見神光 面目翻然異
更予四卷經 祕密爲授記 前後若兩人 直似小兒戲

笑殺寶誌公 活埋梁武帝
怪哉此頭陀 真不立文字
屢毒不肯死 忍痛緣何事
無法與安心 開口又說偈

我欲一問之 只履^乞竟西去 從此起葛藤 約纏永難息
於此下得轉語，方可談宗。

其二

我聞盧行者 混迹在黃梅 倩人書一偈 四眾稱快哉
攫取衣鉢去 惠明追不回 十載獵人隊 謬被龍天推
失口說風幡 晴空起霹雷 身似菩提樹 高坐明鏡台
勸人勤拂拭 到處惹塵埃 硬道無一物 空拳詭啼孩
明明神秀語 重新說轉來 化爲曹溪水 滔滔遍九垓
留下悶葫蘆 輾轉費疑猜 何處問大通 此意空徘徊

於此下得轉語，方可說教。

再題指月錄答艮齋

昔年讀此書 拏掌連稱妙 今日重翻來 掩卷成一笑
葛藤千七百 歧途二十年 怕作鈍功夫 專學口頭禪
說來句句空 行時步步有 掩耳盜鈴漢 虛空笑破口
我佛正法眼 傳燈賴諸祖 徒說盤中甘 那知耕作苦
既而禮天台 又思習密宗 腳踏十字路 帆祝兩面風
詞章與金石 性理兼事功 棄置雖已久 觸著猶憧憧
往來宗教間 入海欲算沙 針針未見血 步步不到家
眼翳而腹空 說食豈能飽 摸象更捫燭 無事常擾擾

妄念紛紜來 馳求難自己 昨是今又非
順迷逆復退 貪去嗔嗔又起 尚未忘得失 何況絕憂喜
粗境猶迷向 細微可知矣 一病經三載 客氣漸漸消
妄想隨之減 猶如退水潮 靜中細檢點 所學無一可
親故凋零盡 看看輪到我 攬鏡一長噓 不見舊時顏
僅餘皮遮骨 已無膽包天 如斯而已乎 不禁徹骨寒
佛師父母恩 未報殊難安 業海猛回頭 連呼錯不止
此等閒伎倆 何能敵生死 昏夜觀明星 南無無量壽
險哉此一轉 否則佛難救 從此發慚愧 更作鈍功夫
笑自由他笑 愚但安我愚 日暮途尚遙 何堪再蹉跎

一門深入去 誓欲出娑婆 生老病死苦 恩怨痴嗔貪
完全打疊起 幷入一句參 放下舊活計 閉門學齋公
佛外百不知 諸君恕痴聾 持名兼持戒 信願爲資糧
缺戒成魔侶 無願墮荒唐 ^{生文}一卷六字經 轉破千年暗
眼明志愈剛 天變道不變 人云我念佛 我說是佛念
教內有真傳 諸佛齊稱讚 撕破舊布衫 掃盡柏樹子
踢倒少室山 掀翻曹溪水 嘴回盧行者 牽轉老達摩
與他同合掌 共念阿彌陀

幻余吟

十一首

廿年憂患三年病 客氣半隨妄想消 垂老幸知歸宿處
一聲佛號海全潮
文章兩漢詩三唐 性理程朱到陸王 教下宗門忙不了
之乎者也誤时光
閉門禮誦學齋公 苦樂忙閑一句中 惹得虛空開口笑
老蓮非復舊阿蒙
古有真修百不管 我今願學百不知 清磬數聲香一炷
華池寶樹影遲遲
自呼自醒還自知 念佛見佛成佛時 三際一心無先後
馬鳴龍樹是吾師

聞薰聞修經有訓 心作心是我無疑 聽佛軒中銘座語

拈香先禮雁門師

客來不必問如何 靜對焚香念彌陀 一句彌陀非是少

遍窮三藏未云多

戒定慧學三無漏 信願行三是資糧 我有神通三妙用

持名頂禮更焚香

甫晨已午又斜陽 誰向時光惜命光 人自談心我念佛

任他掩口笑頹唐

說與旁人渾不解 只有消歸自己休 三載閉門無一字

今朝約略述來由

虛空非大心王大 金石豈堅願力堅
那知教內有真傳 不斷葛藤千七百

自課

六首

念佛緣何尚未熟 思量卜度誤功夫
更莫模糊掐數珠 掃淨狐疑老實念

唇皮雖動意紛紜 己尚不聞佛豈聞
自欺只可引魔軍 真念始能得真感

念來字句用心聽 自喚自醒還自應
妄想千般都莫管 妄想千般都莫管

聲聲佛號要分明

廣明教理疑方去 死盡偷心念自真 圓顯本空澄眾染
當前一句見三身

佛在我心中念我 我在佛光中念佛 佛念念心心念佛
若待融通是兩物 依正莊嚴是妙有 一心稱念是眞空 即境即心成絕待
稍存能所非圓融

答人問話且自勘也

十八首

人生多病未堪羞 有病不知最足憂 久歷歧途識甘苦
荆榛叢裏我回頭

認漚棄海昔年事 鼻孔撩天未識羞 我比迷人加一倍
者番舉著汗先流
入海算沙閑活計 尋枝摘葉舊通家 面皮脂粉重重洗
始倩麻始癢處抓
略洗鉛華已可憎 盧山眞面更無情 有情不是春風面
野渡無人舟自橫
未脫衣裳難洗澡 剛披柳絮怕迎風 從來富戶不誇富
越是窮人偏講窮
但盡凡情無聖解 須知聖解即凡情 掃除見網談何易
才說掃除見已生

臨機豈得避刀槍

不是兒童戲一場

赤手空拳容易會

牽前補後事難商

棒頭死去方能活

詐死佯活總不堪

金豈畏爐泥怕水

雷生數語是司南

投針見血方知痛

持棒掠空事豈干

磨出秦時舊鏡子

借人照已膽先寒

宗門最忌談境界

教下止許論功夫

除卻行持無見地

半瓢不是整葫蘆

舉來便會何曾會

看去似知實未知

我把棒槌作針用

終須鑽透這層皮

不貪玄妙不求奇 莫討便宜莫自欺 識得平常見玄妙
眞能老實是便宜

雙眼若明行自穩 三心未發信非深 庭前簷^上葡萄香如許

牆外餘芳未暇尋

腳根無線似飄蓬

才出迷途又失踪 欲得八風吹不動

須從一句定綱宗

舊雨高才憶兩人 談玄嘲淨自成音

歸途一步迷來路

望斷懸崖沒處尋

一句合頭千劫債 片言錯答野狐身

妄譚般若尤堪懼

抱病掩關懶見人

薈葛林中幻化身 拈來寸草作金針 阿誰智訖情枯後

方信蓮居不負人

行人各自有因緣

把手強牽總枉然

滿地蓬蒿付灰燼

始堪耕種作良田

兒憶母

三首

慈親德慧世間稀

端坐西歸原不違

罪苦痴兒逃逝去

飄零十載尚無依

天涯踏遍漸知非

佛外別無向上機

欲報親恩惟念佛

幾回西望淚沾衣

兄北弟東妹京華 那堪老病各天涯 夢回空有思親淚
未到西方不是家

勸戒三首

持來淨器方盛乳 失去戒珠易入魔 身口未嚴禮懶廢
波旬鼓掌笑呵呵 緯未全持先戒殺 戒殺尚難說甚麼
安得慈尊願力加 此心已與佛相背 果報相尋事可哀
誰從因地識輪迴 漫天劫火炎炎裏 都自殺生一念來

不覺

不覺沉淪苦
難期道味親
有福方持戒
無緣枉勸人

夢長憐故舊
病久惜精神
聖狂分一念
未可委前因

常談

小智不如愚
淺人每自喜
平實與商量
嗤爲常談耳

馳求難挽回
顛倒扶不起

道在平常中
惜君未曉此

良師

病是良師友 銷融妄漸休 身曾經九死 志愈藐千秋
一室唯供佛 三年不下樓 半生慚悔處 棄海認浮漚

書感

卞和抱璞空餘淚 豫讓吞聲尚有身 嬰白肝腸貴育膽
雪中斷臂爾何人

賣漿者

路傍關去雜貨店 門內擔來豆腐挑 雜貨般般別處販

豆漿滴滴自家熬

寄雷生

辛亥識君戎馬間。元二之際。余觀政岱北君長魯省教育。余方治宋明諸儒書。每晤談。君必嗤其謬。凡百餘日。自是始深信宗門向上事。

感君毒棒連三月 警我迷頑廿九年 今日相酬唯一語

須知淨土外無禪

客笑

老病掩關意漸閑 客來翻笑性情偏 手中一串菩提子

拈起依然個個圓

戒嗔

須燎執燭渾無事 羹汙朝衣翻慰人 喜怒由心豈在境
如何學道苦生嗔

蓮味

市果盤蔬久厭餐 隔牆桃李本無緣 前年種得白蓮子

今日嘗來味更鮮

大病中口占二偈辭世

二首

生已無可戀 死亦奚足厭 本來無生死 生死由心現
了知諸法空 始信一切有 西方有極樂 有佛無量壽

問東答西

九首

莫道心情太寂寥 情懷自愧未全消 蓮居佛法無多子
僅識西方路一條
非我念佛佛念我 東方未識故疑西 一方正後方方正
初步迷時步步迷
淨不須禪禪須淨 未能知有豈知空 西方依正莊嚴地
不是幡兮不是風 不是幡^{〔四〕}兮不是風
不是風兮不是幡 思量擬議隔重關 何勞更舉無生話
一句彌陀萬境閑

勸人學佛猶容易 令識西方事大難 爲底梅花香未放
因無徹骨一番寒

有人問我西來意 合掌向西念慈尊

我只歸元無二路

任他方便有多門

共說修行須徑路

徑中捷徑唯西方

曹溪贊語人人曉

放下壇經細酌量

若非諸佛勤護念

至今仍不識西方

聞道已遲敢自棄

惜哉卅載好時光

普被三根濟三有

圓超圓攝無量門

誰能自念勸人念

是即名爲報佛恩

某君喜談禪，見輒滔滔。予唯默對，怪而相詰，賦此報之。二首

笑指湖心月一丸 澄懷似此許談禪 眼前便是三生石
火內誰開五色蓮 天女維摩宜並解 南能北秀未容偏
縱然吸盡曹溪水 也應空山坐十年
路滑莫輕上石頭 布衫一領出青州 阿誰問我無生話
且坐吃茶歇去休 掃卻庭前柏樹子 牧來露地水牯牛
鐵圍山下黑風急 試看橋流是水流

題天青蕉白荷盤研

天青焦白荷盤研，
清容居士絳雪樓中物也。
甲子春得于稷門，藏之八年，今供予課餘染
翰之用。小詩銘志，用苕生自題七字為起句。

荷盤研露寫新詩
寫經畫佛傍蓮池

甘作詩人亦是痴
洗淨世間文字習

梅月古研

鐵干冰心玉一枝
移來栽向硯頭池
正是蓮居晚課時
寒香徹骨月華滿

無悶

二首

狂心果歇方無悶 世不能知道始尊 九死餘生契此語
紛紜幻迹更何論

兩字渠園亦幻余 園非是我我非渠 浮生有境終歸幻
除卻蓮邦未可居 自此改號蓮居，專修淨業矣。

今昔

二首

風雲湖海昔猶龍 經卷蒲團此禿翁 傀儡登場兩齣戲
《昔》箇中誰是主人公 人嘲龍性隨雲去 我幸禿翁是少年 白業堂前新活計
華池學種未開蓮

題淨土詩鈔

愛讀五家淨土詩 中峰楚石到蓮池
百偈徹公亦總持

禿毫

半管禿毫吾不貧 課餘偕爾樂殘春
留贈他年同様人 寫來都是家常話

聽佛軒課餘宴坐

丁巳
二首

踏破疑城信願專 個中甘苦未須傳 幾回欲逸脫
一綫孤牽上水船 病久確知念佛好 魘多反使道心堅
迷雲障霧重重過 警見澄潭月影圓

文七

坐閱空花又一年 唯期寡過厭談玄 每將妄習從心洗
漸覺佛聲逐念圓 動靜相依清淨戒 根塵齊攝寶王禪
樂邦苦海歷然在 何去何從莫問天

今人粗窺唯識，便撥淨宗是一非餘，出上門靜堅固，
目睹現狀，慨然而已。

法門無量本圓通 那得分張矜異同 幾許名言添教海

一聲佛號滿虛空 西方要訣經疏在 東土嫡傳性相融
玄奘窺基兩大師為東土法相之祖。稱贊淨土佛攝受經為三藏所譯。西方要訣。阿彌陀經疏。彌陀通贊等皆慈恩所著。古今深通性相未有蔑視淨土者。
唯識何嘗輕淨土 慈恩莫忘舊宗風

經行

少壯俄頃老病侵 幾人未老惜分陰 樂邦路穩牽誰走
世道歧多聽自尋 幸有一長唯念佛 了無可說且觀心
空堂叉手經行久 忘卻秋宵月滿林

家人晚課

六首

鬧市聲中念佛堂 一家淨課晚琅琅 謚玄不學龐居士
自有蓮風四面香

般若菩提二三兩 共一行 童嬰半解禮空王

五孫佛性未學語已知禮佛

大孫

七歲嫾梵唄 也唱阿彌相好光

贊韻引開六字經 蓮居記數最分明 輪珠百八徐徐轉

坐看兒孫繞佛行

聖解凡情不用消 洪名才舉海吞潮 自他三世何曾隔

萬億途程未是遙

魚磬聲聲淨客塵 聽時更比念時真 阿翁半世爲奴僕

幸得彌陀作主人

宗門回首袁宏道 儒教翻身彭二林 欲問風光在何許
虛空一片海潮音

幻余室幻語，運兒節錄第五卷，舉似省元禪師。
頗蒙印可，並題二偈，賦此報謝。五音

工迥更耕岡光江 南無西方是故鄉 欲叩宗門問境界
翻嫌境界是文章
歧途歷遍足生蘭 苦海回頭鬢已絲 薄有善根堪自信
樂邦路穩漸能知
離念未能方念佛 是心是佛久無疑 全身已在含元殿

更把長安問向誰

縱能離念還須念

不念彌陀念阿誰

眾生無盡願無盡

念佛何嘗有已時

半生踏著一條路

夢話寫成幾句詩

拋向虛空誰印可

拈花笑倒老禪師

詩到二日師即示寂。奇哉。

奈爾何

二首

不念彌陀念六趣

非歸淨土歸娑婆

兩條道路分明甚

背佛趨魔奈爾何

此事本來也太奇

頓教一念越三祇

佛云難信誠難信

萬億人中一二知

楚石句

答任城斬艮齋居士

三十一首並序

艮齋居士習起信論。自謂觀真如三昧。已得見性斷縛。萬法皆空。睹予抱病掩關簡緣。
習淨斥為偏小。施以棒喝。又復函示四偈。自述所證。蓋欲我舍淨歸觀。共覓捷路。自揣根鈍。
未遑承當。率草俚句。用答厚意。略陳甘苦。非苟異同。詩雖成于俄頃。語實出於肺腑。飲水冷
暖。本難問諸他人。現身說法。普願回向淨土。居士倘有意與我把臂共行乎。藉曰不然。則姑
留此為他日印證之資。願游蓮海。志在樂邦者。庶亦有取焉爾。壬申三月。

今夏識艮齋居士於廣濟寺。偉儀弘論。四座傾仰。每於講壇述學佛因緣。必盛稱夏蓮
居先生為己良導。後月餘始識蓮公。乃備詢艮老學行。蓋自起卒伍。歷將相以迄于今。未嘗
一日廢書。因彌敬服。蓮公此詩作於五、六年前。彼時艮老方究禪悅。于淨宗未暇深討。今則

佛不離口珠不離手。不但自念且勸人矣。嘗觀兩公互相推重。歡若弟昆。及至各抒所見。則又毫不假借。蓮公苦口砥勵處。正其深心相為處。其質直不欺處。亦正其學問得力處。艮老述學不忘所。自亦正其心地光明甘苦自知處。古云當頭棒脣後錘。非但能受者少。能施者亦不多。讀者幸于此等處高著眼。方知達人作略迥超常情也。蓮森附記。時於丁丑。

放下昔年舊葛藤 鈍根久不慕傳燈 尚餘一句彌陀在
萬法皆空愧未能 唯堪念佛兼持戒 根器如斯敢自欺 此是蓮居立腳處
和盤托出報君知 塵根雖小法非小 直向西方路豈偏 六字真經含萬象
何來大小與偏圓

公嫌念佛執心重 我恨執持尚未堅 千萬句能如一句
那時重與論偏圓

傳戒法師老慧明 教吾念佛意難傾 不施棒喝但無語

頗怪此翁太世情

無言即是三頓棒

覲面失機敢怨人 當日云何不知痛

只因習氣遍全身

多生習氣油中麵

一句彌陀暗室燈

照破無明從此始

宗風敬謝嶺南能

曾修止觀禮天台

枯坐經年解未開

那知三觀三摩地

都自一心一句來

觀即是能境是所

能所熾然妄豈除

舉體在纏遑說斷〔外〕

從頭更作鈍功夫

地水火風悉是假

生老病死又成空

中道畢竟在何處

一句彌陀空假中

復遇禪師號省元

堅云念佛勝參禪

馳求我更尋方便

念久原來在佛邊

真言宗遇白尊者

灌頂曾傳六字明

顯密圓通佛一句

千潭月朗水同清

攝禪歸淨從來有

離佛談心未始聞

百千經論分明在

早已從頭說與君

君觀眞如論三昧 我甘老實依蓮池 有愁莫向無愁說
除卻阿彌總不知

念念洪名大圓鏡

聲聲佛號水清珠

無量壽光體相用

更于何處見眞如

千聖齊臨遮不住

萬牛共挽豈回頭

虛空縱令有時盡

我此持名永未休

直趨無上菩提路

破釜沉舟自主張

我有願王作法鎧

饒他棒折愈生光

宗乘教海兩汪洋

那有功夫論短長

八教五宗吞一口

持名而外更何商

能知怯弱勝輕狂

願切行專鐵變鋼

莫負淨宗真法乳

秦唐兩譯細參詳

君已見性稱斷縛

我猶學地作功夫

境界相懸難湊泊

何堪依樣畫葫蘆

三量齊彰說非量

繩本全麻認作蛇

不是葫蘆不肯畫

畫成早已變冬瓜

敢把冬瓜印自己

未聞佛法作人情

欲將不肯酬高誼

冲口彌陀又一聲

都攝六根學勢至

返聞自性奉觀音

此真我佛異方便

向上一機莫漫尋

能念心外別無佛 所念佛外豈有心 直指單傳無過此
莫將落葉作黃金 是心平等無高下 經路修行有易難 蟻子上山帆順水
如何并作一般看 斯世無如我敬公 相期自不與時同 年來頗抱杞人慮
第一嚴防豁達空 公垂耳順我知非 駒隙晨光恨熹微 欲仿匡山邀伴侶
可憐眼底故人稀 此事豈容再蹉跎 快哉一語抵長歌 若要不墜蹉跎路
只有彌陀念得多

濁世相期與相愛 明公而外更何人 佛恩難報各珍重
誓向今生度此身

若人專念彌陀佛 是名無上深妙禪 眞傳教內分明在
教外何須慕別傳

敢詣金剛不退心 難將片語昧前因 這重公案誰拈拈卻

問取蓮花國裏人

卜居示兒

四首

槐西老屋氣清疏 十載播遷暫此居 淨掃廳軒先供佛
旁開畦圃爲栽蔬 慚無廣廈庇寒畯 頗願佳兒讀父書

福地須從心地卜 祥光每集德人廬

阿翁笑比石頭頑 耻效兒童說苦酸 五十家居三四載

半生哀樂萬千端

但聞王謝淪佣保

幾見庭柯集鳳鸞

宅為某妃母家第。半荒圯矣。廡居者其戚某王孫也。光宣間其世父某邸曾禮致余。王孫所習聞以故于余頗恭洽。因備譚勛舊近裔流落狀。十年間以伶僕贍身口者比比也。

客邸幸能

蔽風雨 不堪南望水天寒

魯西河決吾鄆當其冲氾濫數月橫蕩千里嚴霜已降人將何堪

懶從秦爐問渠園 海市乾城久等觀 究竟堅牢唯佛土
往時遷執誤儒冠 老懷漸覺炎涼少 汝輩勿忘世路艱
陋巷可居人莫陋 眼中宮闕幾興殘

了緣未易且隨緣 借境觀心境自寬 過眼暫時分好醜
到頭半點不相干 蒲團坐破乾坤小 佛號持純妄念單

剎那詩魔妨淨課 應知結習斷除難

贈某居士

十六首並序

某君潛修淨業。策厲頗篤。時于靜中。感現勝境。微因理諦未融。猶存取舍。疑障忽起。遂
遘小亟。屢經啟迪。未脫見網。比以病中近作請正。草此報意。幻人夙戒吟咏。久屏筆硯。既已
憫其艱憊。又復嘉其勤渠。不覺稱心而出。信口而道。言雖拙率。心則質直。既不得以詩論。仍
以寐語觀之。可也。丙子仲冬。蓮翁記于燕都寄廬之校經室。

如何習淨又吟哦
從古詩人妄想多
珍重餘光多念佛
更莫平地起風波

若問如何出愛河
只有彌陀念得多
念熟方能登樂土

倘生不免墮娑婆
誤人第一是多疑
功純自有佛加持
疑能生苦苦生疑
到此方知我是誰
泥牛入海隨波散
不是閑話說一場
宇宙生死大疑團
欲破疑根事恐難
心地常飛六月雪
火內方開五色蓮
仔細思量無別術

咬定牙關念阿彌
在治良金色更光
道力須從境上煉
其餘枝葉總無干
若從枝葉疑將去

疑網纏心不易知
勘破疑魔勤念佛

單提一念要勤專

舍身不難舍念難

此是學人第一關

欲乘寶筏渡苦海

切莫尋常被眼瞞

念佛不難斷疑難

疑根便是鐵圍山

此關不破終成誤

甘露每同毒藥看

道人須學石頭頑

那有功夫說苦酸

煉得此心頑似鐵

風吹雨打不相干

全身是夢何須說

執夢爲眞更笑人

般般過去都成夢

只有當前一句真

疑心淨盡見眞心

凡聖良莠一念分

全在功夫綿密處

非關慧解與多聞

正念堅持即是慧
思量卜度轉成痴
掃除自己閑枝葉
除卻阿彌百不知

病根深處無須諱

冬
肯念彌陀已得醫
萬行莊嚴勤警惕

念頭才起願王知

生處熟時熟自生

熟來一念也相應
但肯勤添灶下火

何須過慮釜中冰

乙
無心始可登覺路
有口只宜念彌陀

佛號萬千猶患少

世緣半句已嫌多

凡哩唵
月蓮觀

一字含千理 圓明萬象賅
皓月孤懸處 紅蓮八葉開

息風通覺路 心水潤華台
果能觀自在 即得見如來

阿字觀

一念相應際 光明顯自心
字是無生曲 聲傳劫外音
頓嚴身口意 淚絕去來今
法門元不二 總攝佛蓮金

念佛聲

簷際椿杉次第青
今春首度到階庭
鄰家笑語遙相顧
常聽此翁念佛聲

學法

二首

佛法貴精不貴多
洪濤萬里一帆過
竹頭木屑空飄泊
不解成舟難渡河

佛法貴精不貴多
也應多裡廣搜羅
剝蕉釀蜜絲抽蘭
杵欲成針須耐磨

神珠

我有神珠曠代珍 光明四徹照迷津 兒童不識珠無價
只好隨緣舉似人

會校無量壽經粗峻敬題二偈

二首

傳譯獨多來最先

自漢迄宋凡十二譯

五年讀校亦前緣

慈尊加被成

斯本 遍放神光照大千

此是淨宗第一經

詳賅圓頓括三乘

若非夙植福兼慧

雖欲暫聞亦不能

南無阿彌陀佛

蓮公大士淨語

下卷

香贊

戒定真香 覆誠修供養 普念聞熏 善根皆增上
香氣心光 悉遍滿十方 誠感佛慈 加護恒吉祥
南無香雲蓋菩薩摩訶薩

〔三稱〕

釋迦佛贊

釋迦尊 號覺皇 覺行圓滿難量 娑婆業海作舟航

轉法輪 開寶藏 九界導師人天仰 破妄顯示眞常
諸佛稱贊遍十方 經路指樂邦 大恩大德不可忘
惟有勤宣揚

長壽佛贊

無量壽 甘露王 威德願力難量 洪名虔稱消災障
化火宅 爲清涼 菩提心中接佛光 福慧善根自長生光
一向專念莫彷徨 勤熏戒定香 信願行三^是資糧
苦海得慈航

觀世音菩薩贊

觀世音 聖中尊 大悲願力宏深 廣度群生出苦輪
證圓通 伏聞熏 稱名無刹不現身 循聲妙應普門
常念消罪滅貪嗔 全憑信念真 潭清風定月始臨
靈感在自心

大勢至菩薩贊

大勢至 淨宗尊 特倡念佛法門 西方三聖爲等倫
主彌陀 伴觀音 智光常護念佛人 震伏一切魔軍
淨念相繼攝六根 果覺爲因心 橫超三界妙難論

宏法報佛恩

地藏王菩薩贊

菩薩尊 地藏王 大願大力難量 金錫寶珠莊嚴相
拔惡苦 利冥陽 果海逆流悲願強 弘誓普救十方
歸命懺悔免災殃 慧日消嚴霜 心若空時罪亦亡
離苦往樂邦

長壽懺五時回向頌

五首

第一時

梵唄音聲 和雅肅靜 清暢哀亮表至誠 諸佛爲證明
聲遍法界 普利諸有情

第二時

如來世尊 眾聖中王 分身濟物現道場 天人咸歸仰
慈悲願力 摄化遍十方

第三時

能知慚愧 即是善根 願切行專在信深 業淨須功純
破妄顯眞 決定出迷津

第四時

業海茫茫 苦惱無量 惟憑佛法作津梁 摄入如來藏

破除三障 同仰智慧光

第五時

寶王三昧 禮懺道場 功德殊勝妙難量 滅罪消災障
福壽增長 六時恒吉祥

佛光三昧頌

病中讀心賦注及大慧語錄于華嚴互入互攝遍融遍照之旨若有深契持名作觀頗獲密益全修在性即事而真爰作此頌普供有緣。

阿彌陀佛大圓鏡 無量壽光體相用 我在光中念彌陀
字字光明從口出 光化甘露灌我頂 隨聲遍透諸毛孔
一一毛孔又放光 身心融現光明幢 卷六 光明即是如來藏
圓周法界含萬象 一眞無妄絕名言 只以此光宣妙法

是法即是此光明

不離是光說此法

以上三句是
大慧禪師語

無邊無碍無等光

智慧常照清淨光

歡喜解脫安隱光

丁巳

超日月光難思光

有緣幸遇此光者

垢滅善生得解脫

丁巳

十二種光
見壽經

稱名時即遇光時

珍重此時莫空過

性修不二無先後

始覺究竟意即本覺

一燈照破千年暗

佛聲不斷光不斷

不動不搖不分別

佛我聲光成一片

此事非難亦非易

唯在信深行得至

千佛光稱無量壽

諸祖燈傳西來意

一法統攝一切法

顯密禪淨何曾二

承佛慈力如是說

摩訶般若波羅密

假使鐵輪頂上旋

定慧圓明終不失

願此妙光被含識 破暗除苦超惡趣 賛佛贊法贊光明
方便助顯第一義 回向無量光佛刹 普願同登歡喜地

諸佛秘密甚深法

曠劫修行今乃得

若人開明此法門

一切諸佛皆隨喜

(以上四句唐代高僧解脫和尚修華嚴佛光觀感化佛現身為說此偈。) 永明大師心賦注。

淨宗經

二首

其一

有大善根智慧

始願念佛往生

定要極樂現前

堅持萬德洪名

由他妄想紛擾
最忌矜躁卜度
泯絕人我知見
樹喧每因風起

我只字句分明
但期自矢精誠

專顧正念直行

月現都爲波清

其二

一句六字真經
無論苦樂動靜
防被境緣牽轉
分別即是魔網
從容綿密做去

循環莫教暫停
身邊歷歷佛聲

如護生鳥風燈
菩提不染凡情
功純念念圓成

此乃徑中捷徑

何須更覓途程

專勤堅久偈

萬德洪名 牢牢把守 心不離佛 佛不離口
行住坐臥 珠不離手 句句懇切 字字不苟
唯專唯勤 必堅必久 聲滿天地 光涵星斗
獨修良佳 勿強人偶 勿背良師 勿近惡友
理辨邪正 言少臧否卽失 善皆可法 何問誰某
恩怨紛紜 等是空花 夢中說夢 何分好醜
世間萬事 甘讓人先 信願持名 決不落後

果能心口

字字相應

淨宗功夫

十得八九

果能念到

心境如一

方知眞空

不離妙有

光明百字箴

佛光灌我頂

甘露遍我體

頭臂胸脅腰

股脰達足底

外皮膚毛孔

內臟腑骨髓

一被甘露明

垢障悉除已

冤對鬼神煞

惡報凶災劫

病苦與魔惱

從此永消滅

正念常現前

更莫造新業

身心頓清淨

從此永消滅

善根時時長

福德智慧增

信心日堅固

靈感妙難思

莫忘四弘誓

自有佛加持

冬夜讀道德陰符參同悟眞漫說一偈。

致虛極 守靜篤 禽在氣 機在目 三五一 圓中土
養以文 克以武 約身心 歸一處 法雖權 導初步
眞玄關 無所住 念頭上 見工夫 稱洪名 主中主
一切法 只爲輔 句分明 字清楚 不間斷 不模糊
禪淨密 攝一句 千萬劫 難遭遇 迷即凡 悟即佛
忘是迷 念是悟 宜自珍 莫蹉誤 直念去 在覺路

佛歡喜日課餘偶說

念佛即是自心現
迷時不念佛始念
迷即眾生悟即佛
不念是迷念是悟
無心外佛爲所念
無佛外心能念佛
彌陀教我念彌陀
最極圓頓了義語
不念過去與未來
專念當前這一句
靈光獨耀脫根塵
念念無生念念佛
一門超出妙莊嚴
萬法歸元無二路

迦陵音

祈禱法會第二日。音節稍舛。面斥悅眾。道場圓滿後。李子中宏以東相規。直諒不欺。末法希有之士也。既嘉其誠。且不忍辜其意。咏此報謝。不自知其言之贅矣。

道場魚磬軍中令

號令不明眾難定

三昧欲修普賢行
散慢乖舛不相應
先師當年教不佞云
六字四魚一聲磬
錯落模糊缺誠敬
忌澀合與燥及生硬
佛號魚磬穩相稱
微妙和雅清而勁
浩浩源泉流莫罄云
互融互攝以心聽
首在如法辨邪正
那得袖手託無諍
圓通先從耳根證
磬聲定與陀字并云
初快後慢尤爲病
粗厲飄忽雜衛鄭
勻靜綿密心不競
不使一聲成餒飣
萬派朝宗歸一乘
聽久轉凡能入聖

聞薰聞修聞自性
此是蓮宗真途徑
統收八教無餘賸
渠園法會昔稱盛
大眾齊聲心光逆
不浮不沉不蹭蹬出乞乞公
靈瑞屢臻咸稱慶出乞乞公
諸山雲集贊殊勝
如治國有賢執政
每憶師訓慚且儆
卅年幸未墮坑穿出乞乞公

一根還原諸根淨
純以音聲續慧命
唯佛與佛乃究竟
吾師百日爲尊證

帝網千珠交相映

愈準愈穩愈精瑩
三月忘疲有餘興

皆緣魚磬得其柄

一法善用安萬姓

聊述所聞資借鏡
不審何人堪持贈
頻年淨七忝領眾
蒲柳連番充梁棟
恪守遺規何敢縱
妄念全憑音節控
懇切聯貫無隙縫
務使字字不落空
如習騎射學引軛
心心向的期必中
清暢哀亮忘伯仲
梵韻自然如鳴鳳
要知節拍即妙用
神奧不與他宗共
匡山建社迄唐宋
諸祖於此咸注重
捷椎尚乖聲錯綜
頓教全堂入囂哄
顛而不扶良足恫

此次臨壇殊瞢瞢
躬冒譏嫌斥侍從
平素講席戒倥偬ㄉㄨㄥˇㄉㄨㄥˇ
即時自覺已內訟
末法眾生慣欺哄
背則嘲譏面則頌
太息無人發其憊ㄉㄨㄤˇ
李子護法誠且體ㄉㄨㄤˇ
寓規於頌宛而罔ㄉㄨㄤˇ
鏗然令人發深省

愧未先期施磨礲ㄉㄨㄥㄉㄨㄥ
疎率不顧他人諷
何圖當機親入甕ㄉㄨㄥ
是雖小失良堪慟ㄉㄨㄤ
言論往往不由衷
或復顚頽學籠統ㄉㄢˊㄉㄢˊ
興言及此心常痛
爲報佛恩不待請
譬霜夜鐘叩以挺ㄉㄢˋ
有過得聞竊自幸

昌言未拜意先領
我亦借機陳概梗
直心相酬勿嫌耿
弱冠習儒志頗猛
百城坐擁辨燕郢
中歲參禪驢窺井
教乘算沙枉說餅
習定修觀意強屏
向外馳求不得逞
苦海欲出無引綆

茲貺音義重於吾家鼎
如箭在弦錐脫穎
苦後微甘似飲茗
侃侃自將號英挺
心未能安空延頸
狂來幾躡音曳盧頂
學密徒知希聖境
坐沉死水弄光景
臘味嘗透念冰冷
大經一捲遇救艇

踏遍天涯空馳騁

回頭那知金在礦

從此心燈常炯炯

宛似初月升東嶺

追憶前塵如夢影

夢中說夢夢未醒

吁嗟乎淨宗易行不易懂

往昔窺天恃一孔

究理漸深漆破桶

乃知萬法此其總

如貧得寶喜欲踊

撫臂勿失手堅捧

夙世微善薰成種

鳥將出籠丹化汞

敢云八風吹不動

念茲在茲口常唪

君不見學道每爲邪見壅

正知未開信難鞏

瞎馬夜騎不知恐

高低坑坎隨人踵

門戶分張誰作俑
摸象捫燭辯蜀隴
黑白淆亂趨承奉
直筆今世少南董
試登高原望邱龍
朋舊墓木半已拱
逝波殘照令人竦
四恩未報淚欲涌
自問猶堪賈餘勇
從明得明眼不矇
一門深入絕繁冗
那有餘閑爭榮寵
況今滿目見災眚
濁世滔滔喪彝秉
欲海橫流捲滄溟
挽瀾迴狂孰可憑
炎涼奔逐觀優孟
貪嗔驅使忘其脰
欲得世界眞甯靖
須從人心先調整

此論久蓄意未逞
感君直諒泥畦町
生鳥風燈各惕警
身口意三相涵泳
信深願切勤且永
甘露滌盡無明酩少
法門無量雖平等
他年花開彈指頃
噫嘻乎專修貴如衣尚繫少
即令字字皆中肯
一吐快如骨去鯁
報以芻蕘語多哽
暫爾失念魔來調
煉之以動養以靜
自然成片如釘錠
蓮胎日長出泥濘少
如說行者乃得拯
十萬億程元非迥
轉眼陳迹等破甕

始知結習堅似挺

十一上

擲筆爽然良自憬

十一下

在極樂庵念佛道場作

四首
甲申冬

其一

念佛最忌 精神渙散 字句模糊 先快後慢 既無音節
又不聯貫 心不應口 聲不攝念 輕忽養識 古德所嘆
如此念法 永難成片

其二

聲和韻穩 字正音圓 懇切綿密 沉著安閑 聲合乎心
心應乎聲 心聲相依 妄念自清

其三

佛號如珠 念頭如線 分則各離 合則成串
口不離念 如線貫珠 相續不斷

其四

未能一心 先求專念 未能不亂 先學成片
功效自見 無須問人 還請自驗 眞勤真專

聽佛軒記

法門無量 要在明心 功高易進 無如念佛
此方真教體 清淨在音聞

欲成三昧 先修耳根 一切時中 佛號歷然 聲不越竅
耳聽常滿 隨緣自在 聞性內熏 思專想寂 滯情融朗
佛是本覺 念是始覺 以念啓聞 以聞修念 聞即是念
念成於聞 有念必聞 無聞非念 有念念息 無聞聞盡
從聞入流 返聞自性 但能聲聲喚醒自己

即是念念常覺 但能不隨顛倒 即是翻破無明
初則背塵向覺 繼則始覺合本
久則始本相泯 自然能所兩忘

直念去

彌陀教我念彌陀 口念彌陀聽彌陀 彌陀彌陀直念去
原來彌陀念彌陀

晝夜念佛道場中率成三偈供養大眾

三首

其一

只此一句佛 儼然六字經 一佛圓萬德 六字括三乘
善信齊力念 名號同口稱 詐彼百川水 浩浩赴滄溟
香花遍莊嚴 觸境信願增 眾籟悉沈寂 魚磬相間鳴
魚叩^乞涂毒鼓 磬葉當風鈴 梵音獅子絃 贊唄^乞雲中笙
微妙而和雅 哀亮暢以清 此方真教體 大要在心聽

心月孤圓處 光涵萬點星 互映帝網珠 同然無盡燈
返聞聞自性 千慮一時澄 如貯摩尼寶 映澈琉璃瓶
何須問靈感 但期矢精誠 龍天普護持 有若影隨形

其二

心光遍法界 佛聲滿虛空 我在佛光內 佛現我心中
自他何曾隔 顯密本圓通 橫既賅《芳》八教 賽復攝五宗
破暗憑慧日 開慧仗息風 風大托慈力 掃蕩魔惱叢
慧日何以朗 持名莫暫慵口甚深難信法 自慶得遭逢
行住坐臥處 精勤用專功 泯然絕能所 生佛根本同
種種差別見 都向一念融 不必參是誰 此即主人翁

其三

既念彌陀號 當行如來行 一覺一切覺 一成一切成
一念一切念 一聲一切聲 根境元不二 自喚自己醒
聲字皆實相 同呼同時應 心淨佛土淨 心平世界平
願將功德海 普潤諸有情 明濟眾厄難 さくなん 消除三垢冥
誓乘般若船 同向彼岸登 三尊齊加被 十方爲證明

感懷

四首

也曾人海試飛騰 筆繞春虹夢有稜 かく 十載禪心空落莫
入魔入佛兩無能

入魔入佛兩無能

炯炯孤光冷逾冰

文字千秋供一唾

素心幸未負青燈

古音未寂虞暉閣

舊稿爭傳雲護樓

共對湖山天似漆

不堪風雨滿齊州

檢點韜鈐付逝波

喜聽清唄厭聞歌

空王不語天魔舞

滿眼蒼生奈爾何

右感懷四首係甲子冬與榆關霜風歌羅兩峰鬼趣圖同時作於濟南。彼時先生正掌教東魯。原應列入明湖片影內。因是時尚未東渡作海外之遊也。

深妙禪偈

有大福德始念佛

發菩提心修十善

佛說無上深妙禪

淺人當作淺法看
打破人我是非關
三字真傳老實念
要拔多劫生死根
切莫念外覓方便
志堅如銅氣如綿
根身器界潛轉換
千萬句如一句時
三昧全憑信行願

四儀莊嚴三業淨
放下生平閑知見
只此即是長夜燈
直拼此身作呆漢
過緩過急同是病
不間不雜自成片
因心果佛互感應
何愁不見彌陀面
此事非易亦非難

知苦

人必知苦方思出 苦緣不具豈能知 緣具不知乃眞苦
能知即是善生時

題龔伯衡居士遺像

並序

伯衡居士既逝。賢嗣維熙戴其遺像。懇求書題。予以簡緣養疴。久屏文字。佛法無可說。
世法不須說。點染虛空。徒添幻影。敬謝不能。黯然而已。乃遣使敦乞。至於再三。爰述曩時與
居士共學機緣。口授兒輩筆之如。楮素付與來使。張諸靈帷。一以抒維熙無盡之哀。一以酬居
士相知之雅。幻人說夢。不覺言長。普願見聞同植淨信。庶亦居士平昔所謂。因指見月。現身

說法之遺意乎。維熙童時。問字予門。惟望益勵前修。勿忘故訓。應知所以報親恩彰大孝者。當別有在。非徒作目前之悲所能畢乃事也。至於居士懿行治績。維熙昆季已具述之。齊魯人士。類能言之。固無待余作瑣瑣泛譽之詞也。

遺像在此 斯人何往 六十三年 夢幻影響 一別八載
竟成永訣 佛法世諦 了無可說 理則如此 難遣者情
未能免俗 老淚爲傾 君昔曾參 誰字公案 請爲拈出
從頭細看 巍巍堂堂 現宰官身 君看是誰 孰幻孰眞
機緣一二 說與賢郎 普願大眾 回向西方 元二之間
同官海岱 我號學禪 實居門外 忽儒忽佛 泛而寡要
君已習宗 開口便道 所最服膺 指月壇經 千七百則

有如瀉瓶 我於爾時 嘿不置詞 如人飲水 冷暖自知
君之契我 殆有夙因 片言可否 數日悲欣 如切如磋
或官或紳 一和一介 不繙不磷 又八九年 同薰戒香
淨因雖植 未辦資糧 治績循良 龔遂黃霸 千秋事業
半生夢話 乙丙之際 妖氛漫魯 萬姓倒懸 四民涂苦
君已見機 解組來津 我亦去國 乘桴避秦 野鶴倦飛
歸來海外 大難不死 彼此健在 劫火正熾 比鄰天涯
故里既墟 四海無家 宿業所招 何怨何尤 孰爲是非
遑論恩仇 逝波殘照 處處相告 無常苦空
金石書畫 性理詞章 非究竟法 背付汪洋 閱盡滄桑

此心轉定 君禪如何 吾欲習淨 君貌雖豐 神則非愉
我詢所苦 微俛而吁 未幾我病 借病杜關 不用將心
強乞人安 方其健壯 謂將有待 痘苦既來 健壯難再
多生病根 煩惱習氣 借此調伏 莫留餘地 痘是良師
身爲苦本 此關不透 爭得法忍 學佛三天 佛在眼前
學佛三年 佛在天邊 乃知此事 非同兒戲 決難湊泊
不容思議 情識卜度 氣魄承當 頽預儼侗 即多怠慢
發大慚愧 作鈍功夫 道味果親 世緣自疏 非愚即狂
珠不離手 苦樂動靜 佛不離口 親朋交勸 謂我著魔
任人非笑 我志靡他 船到中流 豈得休歇 心堅逾鋼

身經似葉 生老病苦 已備嘗矣 所未嘗矣 僅餘一死
如此而死 死勝尋常 願王爲導 決往樂邦 咬釘嚼鐵
願不少阻 大丈夫事 異小兒女 甫晨已午 又見斜陽
一寸時光 一寸命光 忙處欲閑 閑時須忙 末後一著
早自主張 臥病三載 九死一生 了無所得 唯願持名
乃知已往 說一說兩 隨人語言 不關痛癢 不知淨者
由未識禪 果能識得 一念萬年 參須真參 念須真念
一處非眞 兩俱不算 若說好聽 或圖好看 縱到驢年
難見佛面 乃知此法 直捷簡易 至圓至頓 究竟了義
橫賅八教 統攝五宗 即心即境 非幡非風 千經共指

萬善同歸 曲爲中下 專接大機 甘作呆漢 自安鈍根
萬阻千艱 幸入此門 入得此門 方知歸路 歷遍天涯
未離故處 到家不難 難於初步 強逞聰明 必歸自誤
眼中故人 凋零盡矣 老病相望 唯吾與子 願冀他年
一暢斯旨 我病漸瘳〔一〕 君竟不起 君昔參究 頗稱健者
話頭提撕〔一〕 畫夜不舍 已獲靜境 旋爲物遷 殆古所謂
無淨有禪 痘苦來時 俱不得力 泛泛者流 寧不悚慄〔二〕
樂天晚年 專念彌陀 西方公據 徒傳東坡 君於淨宗
亦具正信 未遑專修 不無遺恨 昔年聚首 篤嗜吾文
不堪持贈 以此慰君 之乎者也 久不復記 信口拈來

非贊非偈 不假雕琢 不涉訛妄 本來面目 平生直諒
付與賢嗣 張諸靈幃 同聲念佛 助君西歸 永離塵垢
莫戀人天 遷往華池 早開寶蓮 一聲佛號 是究竟道
下士聞之 哈哈大笑 死者勿悲 生者勿笑 這付皮囊
均須脫掉 脱掉皮囊 本亦無妨 夜行無燭 道險途長
空一切空 有一切有 西方有佛 號無量壽 未來苦果
過去公案 一句現前 萬緣齊斷 已結淨緣 終成善友
震威一喝 君當點首

淨宗學人鄆城夏蓮居敬題

老實念

但只老實念 不必問如何 莫管同與異 休論自與他
止貴願力強 那怕妄想多 散亂固成病 分別易入魔
境緣無好醜 佛號一掃過 句句念能真 決定出娑婆

答禪客

禪客來問念佛理 我說此問從何起 念佛是我我是誰
佛我究以何爲體 水底月影鏡中面 水月鏡面從何現
何者是假何者眞 請君問取鏡中人

一念融

口說極樂邦 心戀娑婆界 如此念彌陀 佛在西方外
佛自我心現 我在佛光中 念佛佛念我 根境一念融

念佛偈

一聲佛號一聲心 念念彌陀攝六根 字句分明耳應口
凡情消處見慈尊

幻余室偈存

挽現明法師十一首

挽廣濟寺退居現明長老暨法徒鷲峰寺住持宗月上人

搖落西風萬木哀 沙婆長謝證金台
明知抱有重來願 特爲人天痛此才

論才已足冠當時

能轉乾坤世不知

無數飢黎齊下淚

霜宵忍凍拜蓮池

倡設利生會。全活難民。無算。示寂後哭拜者甚眾。

老僧六十更何求

甘爲群生作馬牛

此即迦文眞法乳

人間謗贊等悠悠

廿年塵海自藏身

悔向雲端露一鱗

非我識公公識我

眼中瞳子面前人

民國三年道階長老齋予於法源寺時。現公自湘來依道老。但未相識。越廿三年已為廣濟寺退居。由斬公翼青介談極為契合。

眼光照破四天下

火內栽成五色蓮

此語微公誰印可

影涵潭底月當天

嘗談及淨宗綱要與三經精義甚荷稱贊。因三度見訪堅約擔任蓮社副社長。

爲法忘身知願切

愛才若命見心虛

初衷亦有相同處

說到和光愧不如

對人無分智愚賢否皆能得其歡心。

平生有志復蓮宗

喜遇東林原繼踪

豈意遠公先去也

分立遺民反作後凋松

調獅伏象苦經營

立已墮門庭手再擎

目暝復開緣底事

當前人我已縱橫

兩次重興廣濟寺。艱難締造勞苦萬狀。後之來者其深念之。

孤飛倦似雲中鶴

法侶寥如曙後星

重過西留村畔路

滿襟^汗熱淚爲誰零

廣濟寺為唐代西留村故址。

拖泥帶水嘲人易

玉潔金堅律自難

寄語同修各猛省

魔風劫火正彌漫

法門前路事茫茫

兩載空驚歲月荒

一語告公堪自信

身心迄未背西方

余尊智者大師教於一切時一切處。坐必面西。決不背西而坐。

挽宗月法師

四首

阿師示疾經年逝

弟子追隨彈指間

若問行踪何者是

知君正在鐵圍山

宗公於現老示寂之第三日。無疾坐化。於坐化之前二時。余尚見其在靈旁長跪。神色如常。毫無異狀也。

願力機緣各不同

或期迅捷或從容

大人作略何曾異

都向無常示苦空

撤手便行絕點塵

從來果淨在因眞

此公姓氏君知否

三十年前劉善人

成佛還須先作人

憑將忠孝顯空門

十方贊嘆龍天敬

是即名爲報佛恩

余常謂宗公於佛法為忠臣。於師門為孝子。

挽印光法師

集秦唐兩譯阿彌陀經

法音宣流

秦令得殊勝利益安樂

唐

慈悲嘉祐 唐 成就如是功德莊嚴 秦

挽慈舟法師

教演賢首 行視匡山 瓣香蓮池 折衷薄益
以上宏下化 護持心燈 不矜奇 不立異
堅秉清規遵祖訓 講經數十座 七眾弟子幾萬餘
成就慧身 非由他悟 今竟去 去則實不去
緇素共含悲 各宜自珍期嗣響

律闡終南 宗承臨濟 北鄰紅螺 東接靈岩
以六信三學 莊嚴淨土 見得到 說得出

力誠佛法作人情 戒臘四八年 五色舍利兩千粒
益征妙有 能顯眞空 志往生 生則決定生
聖凡齊贊嘆 群祝乘願希再來

挽萬慧法師

二十一首

萬慧法師為佛教碩德。宏化國外垂五十年。今聞示寂仰光。緬人公謀建塔紀念。則其教澤所被。概可知矣。賢兄無量教授。以遺照索題。口占短偈。用申挽敬。

聞公出家事 在四十年前 今僅瞻遺像 回思一悵然 一
是大丈夫事 等閒未易知 人天作眼目 中外想風儀 二
天親與無著 法門象與龍 謝家有昆季 行願將母同 三

四海習鑿齒 彌天釋道安 同時劉遺民 蓮社結廬山 四
識兄未見弟 因弟乃知兄 方期同會晤 法幢嘆先傾 五
余
嗇翁秀西蜀 一翁老魯東 兩翁交雖晚 精神已久通 六
嗇翁每相訪 笑談冰融水 其才過於我 奚啻三十里 七
雙丁與二陸 今古稱並美 兄才既如此 弟則可知矣 八
唐代有萬回 今世有萬慧 萬回與萬慧 聲字何相類 九
萬回具神通 萬慧重四宏 示迹雖有異 度生願相同 十
今之萬慧師 似唐代玄奘 奘迹遍天竺 慧塔建仰光 十一
計公弘法日 迄今四九年 年數符釋迦 示現非偶然 十二
上宏兼下化 卓哉弟與兄 從來真佛子 原不忘眾生 十三

金剛宣六喻 一默語如雷 悲願永無盡 懸知公再來 十四
爲栽火中蓮 示現優曇花 法身本無相 寂照遍河沙 十五
西顧峨嵋雪 東瞻海岱雲 南望仰光塔 相映脫根塵 十六
鷄足隱迦葉 丈室臥維摩 同居寂光中 何時能賜睹 十七
聞公法語富 在緬印行中 何曾分自他 殷殷望齋翁 十八
亦有自信處 一念越三祇 唯佛能究竟 從古幾人知 十九
了知諸法空 始信一切有 西方有極樂 有佛無量壽 二十
信口說偈時 雪夜當三九 佛前燈頓明 恍若公點首 二

附錄：王一葉撰渠園先生詩集序之殘稿

【前略】……

先生生長華屋。性甘淡泊。屏聲色紛麗之奉。絕博奕菸酒之習。蔬食卅載。「尤」彷彿枯僧。冥心孤往。所嗜唯學。深宵短晷。盛暑祁寒。客散蕭齋。卷軸自對。……未臻強仕。已賦遂初。閣席屢邀。峻謝不赴。冷眼觀世。見理獨眞。誓以學術匡時。人格化物。拈佛儒不二之旨。標道藝一元之宗。雅操堅持。逾久彌潔。……素耻張揚。抱道自閟。見人片長。贊不容口。博通眾藝。若無一能。外現剛嚴。內懷悲憫。面冷腸熱。語苦心慈。工於爲人拙。

以謀己。憐才若命。見義忘身。……論學析理。燭照幽微。眾難群疑。當機立剖。聽者頗首。問者意消。唯是疾惡太嚴。望人過切。每致善良奉爲圭臬。僉壬視若讎仇。窺其學詣。每覺浩博靡窮。挹其襟抱。唯嘆淵深無際。朗如秋月。化若春風。愈久追隨。彌增崇敬。……

右序文乃海城王一葉居士作。一葉天資穎敏。學術淹博。為師門文學首座弟子。年未四十。因抗日與霍丘王孝通同時遇害。遠近無不痛惜。渠園諸弟子中。孝通年最少。一葉筆最超。同門中所稱二王是也。一葉信師最篤。知師最深。故其所作序文。語語中肯。非一般所能及。此序原稿已佚。右所錄者。乃正明於殘紙中撿得。僅就所能辨識者。摘錄數段。雖首尾不相連貫。然於大師學術志趣。亦可略見一斑。同學中倘有存得原稿者。他日幸能發現。再

行補入。不勝禱矣。

佛弟子長白山黃正明誌於聞思修慧之齋

蓮公大士淨語

九六

附錄：
蓮公大士法語

六信四願三幸一行齋自警錄

念佛要法只有一念真誠勿間斷勿分別而已

未來勿將迎 已過勿留滯 專顧現前一句 字字分明

六時日用中 勿忘喚醒自己

一聲佛號內 只貴字句分明

勤作課 寬作程

學道無他巧 只是生處令熟 熟處令生而已

習氣 覺 照

何謂熟處 分別 何謂生處 不分別

世味 老實念佛

但得一念熟 其餘自然生

聞思修三慧

達耳謂之聞 注心謂之思 思明而力行謂之修

思而明之屬比量 聞而明之屬現量
現量之聞不加分別 但聞而已

隨處安閑 自然合轍
顛倒想滅 肯心自許

函蓋乾坤 截斷眾流 隨波逐浪
經云應當專心繫念一處
唯守一法然後見心
只有作鈍功夫

其目如睹 其耳如聽

當於菩提心中行念佛三昧

大慈大悲佛菩薩 不慈不悲苦眾生

學道有兩字祕訣曰 眞幹

眞幹兩字看似平常實則包括無窮妙義

眞幹者 向道之心過于饑渴飲食

有一毫夾雜一毫自欺則非眞 有一毫懈怠一毫自恕則非幹

眞則三心圓發 幹則六度兼修

學者須先打破自欺一關。始有商量處。須灼然見得自己滿身過失。功夫始有著手處。日公此二關不破任你談玄說妙終是門外打之遶

但有一毫凡情聖解夾雜於念佛中。即是自欺。即非老

實

不念過去不念未來專念現前一句
不求一心不斷妄想只要字句分明

百戰百勝不如一忍 萬言萬當不如一默

山谷

少說一句話 多念一句佛 多說一句廢一句 多念一句是一句

無論念佛處事 皆當用第一念 勿用第二念

念佛時 一切莫管 字句分明 平平常常 老實念去
即所謂第一念也

若矜躁卜度 希冀玄妙 或計功求速 或背境向心

即流入第二念矣 第一念是智 第二念是識 隨識即

染 依智則淨

處事時 廓然而大公 物來而順應 事未至勿將迎

事已過勿留滯 坦坦蕩蕩鑑空衡平即第一念也

若計

較人我瞻顧得失 或牽於感情 或激於意氣 則流入

第二念矣 第一念是理 第二念是欲 徇欲即闇

循

理則明

功夫用至省力處正是得力處

鑽木未熱得火何階 鑿井見泥去水不遠

華嚴經勤首菩薩偈云　如鑽燧取火　未出而數息　火勢隨至滅　懈怠者亦然

以智慧鑽專注一境　以方便繩善巧迴轉

靜處做動處鍊

直斷千七百則葛藤　常觀四十萬頃蓮花

發矢中的原非一發之功　磨杵作針豈是暫磨之力

以精深教理銷除妄情 以巧慧方便克治習氣 此省庵大師所以云 修淨業者必須看經教勤覺察也

理明則信深 信深則行專 行專則功純 功純則妄除
妄除則真顯

古德云 佛法不誤人但看自己功夫何如耳
功夫非至身心閑淡處不得謂之入門
所謂閑淡者 乃自然而然境界非勉強裝飾之謂也

茫茫人海中　覓一閑淡漢不可得　觸目皆熱忙人耳
覓一作鈍功夫人不可得　觸目皆伶俐漢耳
熱忙　伶俐　皆與道背馳者也

何謂熱忙　世情正濃之謂也　何謂伶俐　不曾真實用
功專掠虛頭之謂也　此二種人去道最遠

學道須是鐵漢　兩字信條　眞幹　寧肯碎骨粉身終不忘失正念

心懷慈悲常行饒益　隨順眾生施與歡喜

煩惱起於愛憎 愛憎起於分別 是以信心銘云 至道無難 唯嫌揀擇 但莫憎愛 洞然明白
以理折情 情空性復

學道須具大勇猛心立決定志 不顧生死不計成敗始有相應分

紫柏尊者自述其用功云 初以龍樹破四性偈用之境緣順逆之際 多敗績 敗愈多 戰愈力 自是敢戰而拼

死予始勝

曹溪云 常見自己過 與道即相當 又云 若真修道人 不見世間過 又云 邪來煩惱至 正來煩惱除
又云 改過必生智慧 世之讀壇經者大抵於本來無物
一偈資口耳 惜乎 不於此等處著眼也

轉識成智之法必從破執治情入手 倘聞道而不治情尚
得謂聞道者乎

病中自修六度

以慈悲歡喜爲布施 以嚴淨三業爲持戒
以隨緣順受爲忍辱 以調伏習氣爲精進
以不忘正念爲禪定 以方便覺察爲智慧

說得千里不如行得一步

孔子云 十室之邑必有忠信 實則一室之中 婦稚臧獲 其長處皆有己所不及者 無在不可取爲師資也

聖人率性 常人率情 率情則昏散齊逞 率性則惺寂

雙流

紫柏語

時時以理折情 久久情習漸消

般若 方便 名異而體同

冰上然火 火烈則冰融 冰融則火滅

正因佛性 如木中之火

自心是佛

了因佛性 如火能燒木

真顯妄銷

因緣佛性 如鑽木取火

一心持名 不間不雜

三十五歲前頗喜譚玄妙古方 四十五歲後最厭譚玄妙今方 蓋至玄妙即在最平常中 舍平常而別求玄妙 將見其愈譚愈不妙也 曹溪云 佛法在世間 不離世間覺 離世求菩提 猶如覓兔角 省菴淨土詩云 若厭平常終隔斷 纔求玄妙便乖張

但能隨緣入觀 以理折情 則順逆皆吾師也

任情則根境角立 達理則物我俱泯

末法眾生根鈍業重 外魔內障無人不具 邪多正少
退易進難 若都無苦忍從何生 借彼魔惱堅我願力
只要將猛不怕賊強

切實功夫須從難處做去
真正學問都自苦中得來

閒時要忙 忙時要閒

去日之非不可留 今日之是不可執

眞學道人無剪爪之暇 安有功夫說閒話

呂振羽來問學道之方 告以去迷就悟 又問捷徑 告以眞幹兩字 仍未滿意 復告以節省時間 愛惜精力作鈍功夫

勿使一秒鐘空過 勿使一句話空說

作鈍功夫是眞捷徑 舍此而別求捷徑 皆是舍捷徑而自趨紓遠者也 自愧多年學道無所成 皆因求捷徑而

自趨紓遠 未嘗作鈍功夫故也 近年始曉此理 然可
以語此者寡矣

佛說一切法 明心乃究竟
入道有多門 念佛是捷徑

尚未立行便誇妙悟 偶有阻礙輒退初心 此淺人自欺
之恆態也

祈天立命要從無思無慮處感應

持咒念佛自于不知不覺中冥熏

陳白沙詩云 爲人多病未足羞 一生無病是堪憂 非
眞用功者不知此語之妙也

理明 信深 願切 行專

功純 業淨 妄銷 眞顯

以戒為師

鎮定從容 亂絲終當就緒 慈祥誠敬 邪魔自然絕蹤
改習即立命之基 習淨業自消

繩鋸木斷 簧滴石穿 水到渠成 瓜熟蒂落 禽躁狐
疑 欲速轉遲

非真具金剛心者不能受惡辣カク鑪錘タマ
觀德於忍 觀福於量

自救者天救 自助者天助 自棄者天棄

天錫之福 先開其慧 天降之罰 先奪其魄

慚愧 奮發 改過 皆天開其慧者也

悠忽 昏惰 自欺 飾非 皆天奪其魄者也

欲知將來結果 只問現在功夫

積累熏修 務期精熟 非關質美 唯貴功純

永明大師詩云 萬物盡從成熟得 又云 熟果不搖翻
自落 生禽誰喚卻驚飛

淨土法門 非深明宗教者不信 念佛之樂 非眞用功
者不知 印光法師語也

以大勢至都攝六根之法門

修觀世音返聞自性之功夫

持名時 當一心歸命 全身靠倒 萬勿少存能所 根
境角立

是法非思議所行境界 唯有掃除一切 直心正向 老

實念去 自有相應時 若於字句分明 要少涉思量分
別 或計功求速 即墮魔網 戒之哉戒之哉

鏡體本明 塵垢蔽之 垢若不除 明何由生 若欲去
垢 當從察過去習始

直心正向一切莫管 字句分明老實念去 慎勿捨外趣
內背境向心 於鬼窟中作活計 當身心一如熾然而念

造物所最忌者曰貳 凡 狐疑即貳也

老實者精誠之捷徑 狐疑者精誠之大敵

信心銘云 狐疑淨盡 正信調直

省菴大師云 唯有狐疑是棄材

狐疑即是偷心

徹悟禪師詩云 除卻阿彌總不知 所謂直趨無上菩提
一切是非莫管 蓋管即不能直趨 不管即所謂正信調
直也

石屋禪師詩云 任他伎倆自磨滅 紅日依然照高臺

妄想千般都不管 一聲佛號要分明

志氣須剛烈 功夫用軟磨

妄想無性畢竟空 故若真實勘透身心 更有何疑何慮
種種思量卜度 皆由見地尚未透徹

誠則明矣 明則誠矣

欲爲苦本 欲爲道本 但有邪正大小之不同 在人用
之何如耳

念佛即是自心現 自心現時方念佛

不念是迷 念是悟 迷即不念 悟即念
念即見佛成佛時 三際同時無先後

淨念相繼即是佛 擬議頓隔萬億程
幸聞如來異方便 苦樂忙閑莫停聲

有舉世不知而我獨知之識見 始能有舉世不爲而我獨爲之志氣
有舉世不爲而我獨爲之志氣 始能有人所不到而我獨到之境界
有人所不到而我獨到之境界 始能有舉世不見知而不悔之胸襟

習重者業重 習淨者業淨 是以真心學道者必自去習始

印光大師開示

無論在家出家。必須上敬下和。忍人所不能忍。行人所不能行。代人之勞。成人之美。靜坐常思已過。閑談不論人非。行住坐臥。穿衣吃飯。從朝至暮。從暮至朝。一句佛號。不令間斷。或小聲念。或默念。除念佛外。不起別念。若或妄念一起。當下就要教他消滅。常生慚愧心及懺悔心。縱有修持。總覺我工夫很淺。不自矜誇。只管自家。不管人家。只看好樣子。不看壞樣子。看一切都是菩薩。唯我一人實是凡夫。果能依我所說修行。決定可生西方極樂世界。

南無阿彌陀佛！阿彌陀佛！

印光大師開示（十念記數法）

大勢至謂都攝六根，淨念相繼，得三摩地，斯為第一。利根則不須論，若吾輩之鈍根，捨此十念記數之法，欲都攝六根，淨念相繼，大難大難。所謂十念記數者，當念佛時，從一句至十句，須記得分明。至十句已，又須從一句至十句念，不可二十、三十。隨念隨記，不可掐珠，唯憑心記。此十念記數，行住坐臥，皆無不宜。縱日念數萬，皆如是記。淨念若能常常相繼，無有間斷，自可心歸一處；淺之則得一心，深之則得三昧（亦三摩地），此云正定，即心安住於佛號中，不復外馳之謂。亦云正受，心所納受，唯佛號功德之境緣，一切境緣，皆不可得也。願與天下後世鈍根者共之，令萬修萬人去耳。

精要十念法

謹提議以淨空法師宣說之簡要必生十念法，為淨宗學人今後之一般自修與共修之常規。茲說明於后：

自修者，即是日中九次之念十聲佛號法。是晨起與睡前各一次，日中三餐各一次，午前開工及收工各一次，午后開工及收工各一次，共計九次。每次稱念十聲四字或六字彌陀名號，原有日常定課可照常行之。

共修者，凡講經、開會、聚餐等無特定儀軌之集會，在共同行事之始，而行此十念法。亦即是約同大眾合掌同聲稱念十聲「南無阿彌陀佛」，而後始進行講經、開會、用餐等活動事宜。

按此自修與共修之十念法，有其特殊之法益。試舉如下：

- 一、此法簡單易行，用時少而收效宏，確實切要，可久可廣。
- 二、為「佛化家庭」之具體有效方法。

例如：於家庭中三餐時行之，則舉家之成員或信或不信皆蒙攝持不遺。且有佛化親朋鄰里，普及社會之大利益。

三、以簡單易行，一日九次，從早到晚，佛氣不斷。一日生活之中，佛念相繼，日復一日

。久能如斯，則行人之氣質心性將呈逐漸清淨，信心與法樂生焉，福大莫能窮。

四、如能隨順親和，稱念十聲佛號，便有祛除雜染，澄淨心念，凝聚心神，專心務道，以及所辦易成，所遇吉祥，蒙佛加佑，不可思議等等之功德。

五、自修與共修，相資相融，資糧集聚，個人之往生在握，而共同之菩提大業，亦共成焉。

六、此法可以二法名之。試姑名之。

一為「淨業加行十念法」，是對已有行修定課者言，因此法是在原有之課業上加行之故。

一為「簡要必生十念法」，是指適於目前以及今後淨業學人中大部分無定課者言。因現今社會遞變，匆忙無暇，局礙多難故。而此法易集資糧，信願行之，平易圓具。而「都攝六根，淨念相繼」之標準，亦甚符合無缺。

因每次念佛時間短，易攝心及不懈怠故。又以九次念佛之功行，均衡分布貫穿於全日，全日之身心，不得不佛。亦即全日生活念佛化，念佛生活化。

總而言之，此法簡要而輕鬆，毫無滯難之苦，如此法大行，則淨業學人幸甚！未來眾生幸甚！諸佛歡喜。

南無阿彌陀佛

一九九四年諸佛歡喜日美國淨宗學會四眾同倫敬勸

修行從改心做起

淨空老法師指出：改變命運的方法是靠轉變——轉惡為善、轉迷為悟、轉凡成聖。

同修都知道：「種善因得善果」，可是如果業報沒有轉過來，就容易怨天尤人，怪佛菩薩不靈，神沒有保祐，必須虛心檢討它的原因，俞淨意遇灶神記很值得我們研究參考。行善不只是做表面的功夫，除了「口善、身善」，更重要的是「心善、意善」。


古大德教人：「修行要從根本修」，根本是心，是念頭，只要你的心善，念頭善，沒有轉不過來的業報，也沒有化解不開的災難！就像一棵大樹，心是根，念頭是本，身是枝，口是葉，你在枝葉上修行，而根本都爛掉了，還是沒有救啊！把根本救過來，枝葉就不難轉變。

阿彌陀佛

我隨我放
我癡我見
順佛陀

教誨

昇龍



一心稱念



南無阿彌陀佛

莫懷疑

莫夾雜

莫間斷

盡此一生必生淨土

淨空敬勸




至誠感通

淨士



佛老實念





【經書贈送處】

★佛陀教育基金會

TEL : (02) 2395 - 1198
FAX : (02) 2391 - 3415
ADD : 台北市杭州南路1段55號11F

★社團法人中華華藏淨宗學會

TEL : (02) 2754 - 7178
FAX : (02) 2754 - 7262
ADD : 台北市信義路4段333之1號2F

★三重淨宗學會

TEL : (02) 2983 - 0936
FAX : (02) 8983 - 6179
ADD : 三重市重陽路一段120巷24號3樓

★菩提淨宗念佛會

TEL : (03) 439 - 3809
ADD : 平鎮市新光路5段117號

★新竹淨宗學會

TEL : (03) 573 - 4289
FAX : (03) 573 - 5580
ADD : 新竹市建功一路42巷17號

★台中淨宗學會

TEL : (04) 2222 - 2887
ADD : 台中市柳川西路3段12號

★彰化淨宗學會

TEL : (04) 725 - 6272
ADD : 彰化市民族路269巷41號

★雲林淨宗學會

TEL : (05) 636 - 6115
FAX : (05) 633 - 1301
ADD : 雲林縣虎尾鎮德興路163號

★社團法人台南市淨宗學會

TEL : (06) 265 - 0766
FAX : (06) 265 - 0715
ADD : 台南市文南路107號4F

★高雄淨宗學會

TEL : (07) 521 - 9988
FAX : (07) 521 - 1895
ADD : 高雄市七賢三路236號

★高雄市六和淨宗學會

TEL : (07) 238 - 0707
ADD : 高雄市中東街201號3F

★社團法人高雄縣岡山鎮淨宗學會

TEL : (07) 621 - 7846
FAX : (07) 622 - 4454
ADD : 高雄縣岡山鎮頂紅街9號

★岡山淨宗念佛會

TEL : (07) 624 - 1404
FAX : (07) 623 - 0050
ADD : 高雄縣岡山鎮岡山路269巷55號

★枋寮淨宗學會

TEL : (08) 878 - 8624
ADD : 屏東縣枋寮鄉隆安路169巷11號

★花蓮淨宗學會

TEL : (038) 578 - 663
FAX : (038) 580 - 098
ADD : 花蓮市富國路136號

★達拉斯佛教會 DALLAS BUDDHIST ASSOCIATION

INC.515 Apollo Road, Richardson, TX 75081 U.S.A.
TEL : (972) 234 - 4401 FAX : (972) 234 - 8342

★美國淨宗學會 AMITABHA BUDDHIST SOCIETY OF U.S.A.

650 S.Bernardo Ave. Sunnyvale CA 94087 U.S.A.
TEL : (408) 736 - 3386 FAX : (408) 736 - 3389

- *****
- *
*
*
- ★美國華藏淨宗學會 THE PURE LAND LEARNING CENTER
21730 Stevens Creek Blvd #202, Cupertino, CA 95014 U.S.A.
TEL : (408) 255 - 5258
- *
*
*
- ★新加坡淨宗學會 AMITABHA BUDDHIST SOCIETY (SINGAPORE)
NO.2 Lorong 35 Geylang, Singapore 387934
TEL : (65) 744 - 7444
- *
*
*
- ★澳洲淨宗學會 THE AMITABHA BUDDHIST ASSOCIATION OF QUEENSLAND
11 Toona Place Calamvale, Brisbane, Queensland 4116 Australia
TEL : (61) 73273 - 1693 FAX : (61) 73272 - 0677
- *
*
*
- ★雪梨淨宗學會 AMITABHA BUDDHIST ASSOCIATION. OF NEW SOUTH WALES INCORPORATED
Shop 1.150 Woodburn Road BERALA NSW 2141. Australia
P. O. Box 509 Burwood NSW 1805
TEL : (612) 9643 - 7588 · (612) 9643 - 7599
- *
*
*
- ★馬來西亞淨宗學會 PERSATUAN PENGANUT AGAMA BUDDHIST AMITABHA
16 - A. First Floor, Jalan Pahang, 53000 Kuala Lumpur, Malaysia
TEL : (603) 4041 - 4101 FAX : (603) 4041 - 2172
- *
*
*
- ★紐約華藏淨宗學會 AMITABHA BUDDHIST SOCIETY OF N.Y. INC.
41-60 Main Street Suite#211 Flushing, N.Y. 11355 U.S.A.
TEL : (718) 961 - 7299 FAX : (718) 961 - 8039
- *
*
*
- ★洛杉磯淨宗學會 AMIDA SOCIETY
5918 Cloverly Ave., Temple City, CA 91780, U.S.A.
TEL : (626) 286 - 5700 FAX : (626) 576 - 5931
- *
*
*
- ★費城淨宗學會 AMITABHA BUDDHIST SOCIETY OF PHILADELPHIA
42 Lakeview Dr. Cherry Hill, NJ 08300
TEL : (856) 424 - 2516 FAX : (856) 489 - 8528
- *
*
*
- ★美國休士頓淨宗學會 AMITABHA BUDDHIST SOCIETY OF HOUSTON, (A.B.S.H.)
7400 Harwin Dr. #170, Houston, Texas 77036 U.S.A.
TEL : (713) 339 - 1864 FAX : (713) 339 - 2242
- *
*
*
- ★泰國淨宗學會
701/202 Soi Pattanakarn 30, Pattanakarn Road,
Bangkok 10250, Thailand.
TEL : (662) 719 - 5206 FAX : (662) 719 - 4356
- *
*
*
- ★澳洲墨爾本佛教六和視聽圖書館 AMITABHA BUDDHIST ASSOCIATION OF VICTORIA Inc.
Shop 4, 111 Hardware Street, Melbourne VIC 3000 Australia
(Cnr.398 Lonsdale St., Melbourne) TEL : (61) 41213 - 8228
- *
*
*
- ★西澳淨宗學會 THE AMITABHA BUDDHIST ASSOC. OF WESTERN AUSTRALIA
154 Elliot Road Wanneroo WA 6065 Australia
TEL : (618) 9306-3483
- * * * * *

回向

蓮公大士淨語

願以此功德

莊嚴佛淨土

歡迎翻印

上報四重恩
下濟三塗苦

若有見聞者

功德無量

悉發菩提心
盡此一報身

惜珍護愛請敬緣結費免

印贈者：香光淨宗學會

倡印者：釋悟峯

地址：台北縣三重市中興北街一七九號

電話：(02) 851110955
傳真：(02) 851110953

達拉斯佛教會網址 <http://www.amtb-dba.org>

淨空法師專集有聲版網址 <http://www.amtb.org.tw>

承印者：三禾出版製作有限公司

電話：(02) 224019978

同生極樂國

二〇〇二年十一月印贈壹仟本

